



## Publicaziuns dalla vischnaunca, jamna 52/1-13

### Lubientschas da baghegiar

L'istanza da baghegiar ha concediu suandontas lubientschas da baghegiar:

**Nr. 2012-1073**

Baseli Maissen-Maissen artavels, c/o Maissen Marcel, Herweg 24, 8708 Männedorf; sanaziun termica e sanaziun totala dalla casa sin parcella 1262, Via Acletta 48, 7180 Disentis/Mustér.

**Nr. 2012-1074**

Urs Braun, Widenstrasse 47, 6317 Oberwil b. Zug; construcziun d'ina garascha nova, niev access e construcziun d'ina habitaziun supplementara, parcella 3630, Via Plauncas 10, 7180 Disentis/Mustér.

Quellas lubientschas san vegnir contestadas enteifer 30 dis dapi la publicaziun el Fegl ufficial dalla Surselva tier la Dertgira administrativa dil cantun Grischun.

Disentis/Mustér, ils 21-12-2012  
*Uffeci da baghegiar Disentis/Mustér*

---

### Cussegl da vischnaunca *Seduta constitutiva*

**Venderdis, ils 11 da schaner 2013 allas 19.00**

**ha liug en halla Cons** la seduta constitutiva dalla nova perioda d'uffeci.

Cun quella occasiun vegnan las autoritads communalas saramentadas. Quella manifestaziun ei publica e destinada per l'entira populaziun.

*Suprastonza communal*

---

### Reducziun individuala dallas premias dalla cassa da malsauns 2012

Persunas e famiglias che vivan en relaziuns economicas mudestas san, risguardond certas premias, dumandar contribuziuns vid las premias dall'assicuranza da basa obligatoria per la tgira da malsauns (LAM).

Persunas che han aunc buca fatg diever dil dretg san far quei entochen **la fin digl onn 2012 (davos termin, datum dil bul da posta 31-12-2012)**. Informaziuns, basa legala, muossavia ed il formular d'annunzia anfleis Vus sin la pagina d'internet [www.sva.gr.ch](http://www.sva.gr.ch). Vus saveis era retrer ils formulars tier l'administraziun communal.

Per damondas stein nus bugen a Vossa disposiziun  
*Administraziun communal*

---

### Plazza da rimnada a Raveras

Sur las fiastas da **Nadal** e **Daniev** ei la piazza da rimnada a Raveras **aviarta** ils suandonts dis:

**sonda, ils 29 da december 2012 dallas 10.00–12.00**  
**sonda, ils 5 da schaner 2013 dallas 10.00–12.00**

**Tut ils auters dis resta la piazza da rimnada a Raveras serrada.**

Nus giavischein in bien onn 2013!



### Cantar dils retgs 2013

Ils sogns Retgs dalla 5avla e 6avla classa da Mustér semettan era uonn sin via per visitar ils habitonts da Mustér. Els speran d'astgar legrar biars cun lur viseta e cant. **Els entscheivan il tur allas 15.30:**

#### **Gievgia, ils 3-1-2013**

Casa da tgira: 15.45, Mumpé-Tujetsch, Cuoz, Caschuarz, Acletta, Reka, Sax, Davos Mustér

#### **Venderdis, ils 4-1-2013**

Funs, Cuppa, Latis, Dulezi, Cons, Vitg, Scaletta, Carcarola, Raveras, Gonda, S. Gions

#### **Sonda, ils 5-1-2013**

Mumpé-Medel, Clavaniev, Cavardiras, Pardomat, Madernal, Disla, Faltscharidas, Sontget, Chischliun ed ustrias

#### **Dumengia, ils 6-1-2013**

Duront messa a Segnas e Mumpé-Medel e suenter messa a Segnas, Buretsch, Peisel, duront devoziun en baselgia S. Gions, duront messa en claustra

---

### Contribuziuns per la Sibla

«Siblus» encuera aunc ina ni l'otra contribuziun (glossa) per la gasetta da tscheiver Sibla 28 che **cumpara il fevver 2013**. Contribuziuns a scret cun il num e l'adressa digl autur san ins tarmetter tochen ils **7 da da schaner 2013** a: Christina Bundi, Via S. Gions 2, 7180 Disentis/Mustér, per fax 081 534 14 33, ni via la pagina d'internet [www.tscheiver.ch](http://www.tscheiver.ch).

---

### Participaziun al til da tscheiver da Mustér 2013

Ils **9 da fevver 2013 allas 14.00** uras ei il 34avel til da tscheiver a Mustér. L'Uniun da tscheiver Mustér envida pign e grond, dalunsch e damaneivel da separticipar al til.

Sin Vossas annunzias selegra la suprastonza. Annunzias pren Gion Hosang bugen encunter, tel. 079 690 97 42, e-mail: [gion.hosang@tscheiver.ch](mailto:gion.hosang@tscheiver.ch), per fax 081 534 14 33, ni via internet: [www.tscheiver.ch](http://www.tscheiver.ch).

---

### Biblioteca populara Disentis/Mustér e contuorn

Mira sut Surselva, rubrica dallas bibliotecas.

---

### Disentiser Klosterforum

Mira sut Surselva.